

家風

松菊依稀三逕窻戶明通六如太平事業無象淳正家風有餘

天真

聲利場中退步水雲鄉裏閒身順命不堪人偽達生自樂天真

業識

清靜本然未悟貪忙業識無涯逐境心頑似鐵隨流性亂如麻

趨新

夜壑舟遷捨故日車輪轉趨新緣木求魚妄作刻舟記劍勞神

知覺

聞見覺知四病杳冥昏默多愚求者捕亡擊鼓執之待兔守株

道藏輯要

雲山集

三

昂集六

三教

為道為儒為釋水月鏡中三影皆從此處傳來選甚黃冠圓頂

五言絕句

荆棘

荆棘除難盡芝蘭樹不榮故園藜藿合松菊可憐生

賞音

炷冷香仍在燈青焰亦微斷紋絃再續今古賞音稀

真妄

妄滅真重遣心空性自圓百川俱涸海萬曜不離天

智巧